

Ysgol Penrhyn-coch

Wedi blwyddyn dra
llwyddiannus ym myd
chwaraeon bu'r bechgyn yn
tadlu yng nghystadleuaeth
y cylch ddiwedd tymor
yr haf a chyrraedd y brig
unwaith eto.
Llongyfarchiadau cynnes i
chwi.

Treuliodd plant dosbarth 1 a
2 brynhawn hwyliog yn Theatr
y Werin ar 30 Mehefin yn
gweld cynhyrchiad o Rwtsh
Ratsh Rala Rwdins gan
Gwmni'r Arad Goch. Mwynhaodd
pawb eu hunain yn fawr.

Aeth dosbarth 4 i Ddydd
Agored y Fridfa Blanhigion
un bore. Diddorol oedd gweld
yr amrywiaeth gwaith sy'n
digwydd ar garreg ein drws.
Ein diolch diffuant i'r
gweithwyr fu'n ein tywys o
gwmpas ac egluro'r cyfan i
ni mor ddeheuig.

Cynhaliwyd Chwaraeon Potes
yr Urdd Cylch Aberystwyth ym
Mhenrhyn-coch ar 21 Mehefin
a bu 17 o dimau yn cystadlu.
Braf oedd gweld cymaint o
blant yn mwynhau'r gemau
rhyfeddol a drefnwyd ar eu
cyfer. Wedi cystadlu brwd,
Ysgol Plascrug oedd yn
fuddugol, Rhydypennau yn ail
a Phenrhyn-coch yn drydydd.
Llongyfarchiadau cynnes i'r
enillwyr ac i bawb a
gystadlodd.